

貞松堂藏西陲祕籍叢殘

如箭入身痛惚衰壞憂畏不安以无所得故
受想行識之如是眼耳鼻舌身意地種水火
風空識種觀无常乃至憂畏不安亦无所得
故觀色寂滅離不生不滅不垢不淨受想行
識之如是觀地種乃至識種寂滅離不生不
滅不垢不淨以无所得故復次憍尸迦菩薩
摩訶薩應薩婆若心觀无明緣諸行乃至老
死緣大苦聚集以无所得故觀无明滅故諸
行滅乃至生滅故老死滅故憂悲苦
惚大苦聚集以无所得故復次憍尸迦菩薩
摩訶薩應薩婆若心脩四念處以无所得故
乃至脩佛十力十八不共法以无所得故復

次憍尸迦菩薩摩訶薩應薩婆若心行檀波
羅蜜以无所得故行尸波羅蜜羣提波羅蜜
毗梨耶波羅蜜禪波羅蜜以无所得故復次
憍尸迦菩薩摩訶薩行般若波羅蜜時作是
觀但諸法諸法共相曰緣潤益增長分別校
計是中无我无我所菩薩迴向心不在阿耨
多羅三藐三菩提心中阿耨多羅三藐三菩
提心不在迴向心中迴向心於阿耨多羅三
藐三菩提心中不可得阿耨多羅三藐三菩
提心於迴向心中不可得菩薩雖觀一切法
以无法可得是名菩薩摩訶薩般若波羅蜜
釋提桓因問大德須菩提云何菩薩迴向心

不在阿耨多羅三藐三菩提心中云何阿耨
多羅三藐三菩提心不在迴向心中云何迴
向心於阿耨多羅三藐三菩提心中不可得
云何阿耨多羅三藐三菩提心於迴向心中
不可得須菩提語釋提桓因言憍尸迦迴向
心阿耨多羅三藐三菩提心非心是非心相
中不可迴向是非心相常非心相不可思議
相常不可思議相是名菩薩摩訶薩般若波
羅蜜今時佛讚須菩提言善哉善哉須菩提
汝為諸菩薩摩訶薩說般若波羅蜜安慰諸
菩薩摩訶薩心須菩提白佛言世尊我應報
恩不應不報恩過去諸佛及諸弟子為諸菩

薩說六波羅蜜示教利喜世尊今時之在中
學得阿耨多羅三藐三菩提我今之當為諸
菩薩說六波羅蜜示教利喜令得阿耨多羅
三藐三菩提今時須菩提語釋提桓曰憍尸
迦汝今當聽菩薩摩訶薩般若波羅蜜中如
所應住所不應住憍尸迦色色空受想行識
識空菩薩菩薩空是色空菩薩空不二不別
受想行識空菩薩空不二不別憍尸迦菩薩
摩訶薩般若波羅蜜中應如是住復次眼眼
空乃至意空菩薩菩薩空眼空乃至菩薩空
不二不別六塵之如是地種地種空乃至識
種識種空菩薩菩薩空憍尸迦地種空乃至

識種空菩薩空不二不別憍尸迦菩薩摩訶
薩般若波羅蜜中應如是住无明无明空乃
至老死老死空无明滅无明滅空乃至老死
滅老死滅空菩薩菩薩空憍尸迦无明空乃
至老死空无明滅空乃至老死滅空菩薩空
不二不別憍尸迦菩薩摩訶薩般若波羅蜜
中應如是住檀波羅蜜乃至般若波羅蜜內
空乃至无法有法空四念處乃至十八不共
法一切三昧門一切陀羅尼門聲聞乘辟支
佛乘佛無聲聞辟支佛菩薩佛一如是一切
種智一切種智空菩薩菩薩空一切種智空
菩薩空不二不別憍尸迦菩薩摩訶薩般若

波羅蜜中應如是住。今時釋提桓因問須菩提云：何般若波羅蜜中所不應住？須菩提言：憍尸迦，菩薩摩訶薩不應色中住，以有所得故，不應受、想、行、識中住，以有所得故，不應眼中住，乃至不應意中住，不應色中住，乃至不應法中住，眼、識乃至意識、眼觸乃至意觸、眼觸因緣生受乃至意觸因緣生受中不應住，以有所得故。地、種乃至識、種中不應住，以有所得故。檀、波羅蜜乃至般若波羅蜜、四念處乃至十八不共法中不應住，以有所得故。須陀洹果、不應住，以有所得故。乃至阿羅漢果、辟支佛道、菩薩道、佛道一切種智，不應住。

以有所得故復次憍尸迦菩薩摩訶薩色是
常不應住色是无常不應住受想行識之如
是色若樂若苦若淨若不淨若我若无我若
空若不空若寂滅若不寂滅若離若不離不
應住以有所得故受想行識之如是復次憍
尸迦菩薩摩訶薩須陀洹果无為相斯陀含
果无為相阿那含果无為相阿羅漢果无為
相不應住辟支佛道无為相佛道无為相不
應住須陀洹福田不應住斯陀含阿那含阿
羅漢辟支佛佛福田不應住復次憍尸迦菩
薩摩訶薩初地中不應住以有所得故乃至
第十地中不應住以有所得故復次菩薩摩

訶薩住初發心中我當具足檀波羅蜜不應
住乃至我當具足般若波羅蜜不應住具足
六波羅蜜當入菩薩位不應住入菩薩位已
當住阿鞞跋致地不應住菩薩當具足五神
通不應住以有所得故菩薩住五神通已我
當遊无量阿僧祇佛國土恭敬供養諸佛聽
法聽法已爲他人說菩薩摩訶薩不應住以
有所得故如諸佛國土嚴淨我亦當莊嚴國
土不應住以有所得故成就衆生令入佛道
不應住到无量阿僧祇國土諸佛所尊重愛
敬供養以香華瓔珞塗香搗香幢幡華蓋百
千億種寶衣供養諸佛不應住以有所得故

我當令无量阿僧祇衆生發阿耨多羅三藐
三菩提心不應住我當生五眼天眼慧
眼法眼佛眼不應住我當生一切三昧門不
應住隨所欲遊戲諸三昧不應住我當生一
切陀羅尼門不應住我當得佛十力不應住
我當得四无所畏四无尋智十八不共法不
應住我當具足大慈大悲不應住我當具足
卅二相不應住我當具足八十随形好不應
住以有所得故是八人是信行人是法行人
不應住須陀洹極七世生不應住家家不應
住須陀洹命終垢盡不應住須陀洹中間入
涅槃不應住是人向斯陀含果證不應住是

人斯陀含一來入涅槃不應住是人向阿那
含果證不應住斯陀含一種不應住是人阿
那含彼間入涅槃不應住是人向阿羅漢果
證不應住是人阿羅漢今世入无餘涅槃不
應住是辟支佛不應住過聲聞辟支佛地我
當住菩薩地不應住道種智中不應住以有
所得故一切種一切法知已斷諸煩惱及習
不應住佛得阿耨多羅三藐三菩提當轉法
輪不應住作佛事度无量阿僧祇衆生入涅槃
不應住四如意足中不應住入是三昧住
如恒河沙等劫壽不應住我當得壽命无缺
數劫不應住廿二相一一相百福莊嚴不應

住我一國主如十方恒河沙等國主不應住
我三千大千國主純是金剛不應住我菩提
樹當出如是香衆生聞者无有婬欲瞋恚愚
癡之无聲聞辟支佛心是一切人必當得阿
耨多羅三藐三菩提若衆生聞是香者身病
意病皆悉除盡不應住當使我國主中无有
色受想行識名字不應住當使我國主中无
有檀波羅蜜名字乃至无有般若波羅蜜名
字當使我國主中无有四念處名字乃至无
有十八不共法名字之无須陀洹名字乃至
无有佛名字不應住以有所得故何以故諸
佛得阿耨多羅三藐三菩提時一切諸法无

所得故如是憍尸迦菩薩於般若波羅蜜中
不應住以无所得故。尔時舍利弗心念菩薩
云何應住。般若波羅蜜中須菩提知舍利弗
心所念語。舍利弗言。於汝意云何。諸佛何所
住。舍利弗語。須菩提。諸佛无有住處。諸佛不
色中住。不受想行識中住。不有為性中住。不
无為性中住。不四念處中住。乃至不十八不
共法中住。不一切種智中住。舍利弗。菩薩摩
訶薩般若波羅蜜中應如是住。如諸佛住於
諸法中。非住非不住。舍利弗。菩薩摩訶薩般若
波羅蜜中應如是學。我當住不住法。故尔
時會中有諸天子作是念。諸夜叉語言。字句

所說尚可了知須菩提所說語言所可論議
解釋般若波羅蜜了不可知須菩提知諸天
子心所念語諸天子不解不知那諸天子言
大德不解不知須菩提語諸天子汝等法應
不知我无所論說乃至不說一字之无聽者
何以故諸字非般若波羅蜜般若波羅蜜中
无聽者諸佛阿耨多羅三藐三菩提无字无
說諸天子如佛化作化人是化人復化作四衆
比丘比丘及優婆塞優婆夷化人於四衆中
說法於汝意云何是有說者有聽者知者
不諸天子言大德不也須菩提言一切法皆
如化此中无說者无聽者知者諸天子譬如

人夢中見佛說法於汝意云何是中有說者
有聽者有知者不諸天子言大德不也須菩
提語諸天子一切法皆如夢无說无聽无知
者諸天子譬如二人在大深淵各住一面讀
佛法衆有二嚮出於諸天子意云何是二嚮
展轉相解不諸天子言大德不也須菩提語
諸天子一切法亦如是无說无聽无知者諸
天子譬如工幻師於四衢道中化作佛及四
衆於中說法於諸天子意云何是中有說者
有聽者有知者不諸天子言大德不也須菩
提語諸天子一切法如幻无說者无聽者无
知者尔時諸天子心念須菩提所說欲令易

解轉深轉妙須菩提知諸天子心所念語諸
天子言色非深非妙受想行識非深非妙色
性非深非妙受想行識性非深非妙眼性乃
至意性色性乃至法性眼界性乃至意界性
眼識乃至意識眼觸乃至意觸眼觸目緣生
受乃至意觸目緣生受檀波羅蜜乃至般若
波羅蜜內空乃至無法有法空四念處乃至
十八不共法一切諸三昧門一切陀羅尼門
乃至一切種智性非深非妙諸天子復作是
念是所說法中不說色不說受想行識不說
眼乃至意觸目緣生受不說檀波羅蜜乃至
般若波羅蜜不說內空乃至無法有法空不

說四念處乃至十八不共法不說陀羅尼門
三昧門乃至一切種智不說須陀洹果乃至
阿羅漢果不說辟支佛道不說阿耨多羅三
藐三菩提道是法中不說名字語言須菩提
知諸天子心所念語諸天子言如是如是諸
天子是法中諸佛阿耨多羅三藐三菩提不
可說相是中无說者无聽者无知者以是故
諸天子善男子善女人欲住須陀洹果欲證
須陀洹果者是人不能離是忍斯陀含阿那含
阿羅漢果辟支佛道佛道欲住欲證不離是
忍如是諸天子菩薩摩訶薩般若波羅蜜中
從初發心應作如是住以无說无聽故